

Reykjavík, 8. febrúar 2022

MSS22020108

Efni: Lýðræðishátíð - Fundur fólksins

Meðfylgjandi tillaga borgarstjóra dags, 8. febrúar 2022, um samkomulag við Almanaeill um Lýðræðishátíðina – fund fólksins er send mannréttinda- nýsköpunar- og lýðræðisráði til umsagnar.

Viktoría Júlía Laxdal

Verkefnastjóri, skrifstofu borgarstjórnar

Ráðhúsi Reykjavíkur, Vonarstræti 11, 101 Reykjavík



Borgarráð

Lýðræðishátíðin - fundur fólksins

Lagt er til að borgarráð samþykki hjálögð drög að samkomulagi við Almannaheill um fund fólksins sem haldinn verður í Reykjavík árlega næstu þrjú árin, næst 2023. Kostnaður vegna þátttöku í verkefninu eru 4,5 m.kr. fyrir árið 2023 og síðan 6 m.kr. hvert ár árin 2024 og 2025. Kostnaðurinn greiðist árið 2023 af kostnaðarstað 09510, ýmsar samningsbundnar greiðslur en kostnaði vegna áranna 2024 og 2025 er vísað til gerðar fjárhagsáætlunar.

Greinargerð:

Meginmarkmið með samkomulaginu er samstarf og stuðningur við Lýðræðishátíðina, fund fólksins og áhugi á að efla lýðræðislega umræðu í landinu. Nýsamþykkt lýðræðisstefna Reykjavíkurborgar undirstrikar þann sameiginlega áhuga.

Dagur B. Eggertsson
borgarstjóri

Hjálagt:

Samkomulag Reykjavíkurborgar og Almannaheilla um Lýðræðishátíðina – fundur fólksins, drög.

Erindi Almannaheilla – Ósk um viðræður um framlengingu á samningi um Lýðræðishátíðina fund fólksins, dags. 17. janúar 2022.

Samkomulag um Lýðræðishátíðina, fundi fólksins

1. gr.

Aðilar samkomulags

Reykjavíkurborg, kt. 5302697609, og Almannaeið, samtök þriðja geirans (hér eftir nefnd Almannaeið), kt. 520908-0640, gera með sér eftirfarandi samkomulag:

2. gr.

Tengiliðir.

Tengiliður Almannaheilla er Jónas Guðmundsson, stjórnarformaður Almannaheilla. Tengiliður Reykjavíkurborgar er Sigurlaug Anna Jóhannsdóttir, sérfræðingur á mannréttinda- og lýðræðisskrifstofu Reykjavíkurborgar.

3. gr.

Meginmarkmið.

Meginmarkmið með samkomulagi þessu er að stuðningur við framkvæmd Lýðræðishátíðarinnar, funda fólksins, sbr. verkefnislýsingu í fylgiskjali I. Lýðræðishátíðin, fundir fólksins er grasrótahátíð sem haldin hefur verið á Íslandi síðan 2015; hún er í anda sambærilegra viðburða sem hafa fest sig í sessi á hinum Norðurlöndunum undanfarna áratugi.

4. gr.

Forsendur samkomulags.

Reykjavíkurborg greiðir Almannaheillum kr. 4.500.000 fyrir árið 2023 og síðan kr. 6.000.000 á árunum 2024 og 2025 með hliðsjón af kostnaðaráætlun verkefnisins, sbr. fylgiskjal II með samkomulagi þessu. Fjárhæðin greiðist í tvennu lagi 1. maí og 1. október ár hvert. Upphæðirnar verða greiddar inn á reikning Almannaheilla nr. 0336-26-062090.

5. gr.

Ábyrgð Almannaheilla.

Almannaeið ber ábyrgð á framkvæmd og umsýslu við það verkefni sem samkomulag þetta tekur til og sér til þess að það fullnægi kröfum um fagmennsku og gæði. Framkvæmd hátíðarinnar taki mið af reglum sóttvarnarlæknis um samkomutakmarkanir þegar hún er haldin. Gerð er krafa um að lögð verði fram gögn og skýrslur þessu til staðfestingar, sé eftir því leitað.

Almannaeillum er óheimilt að:

- Afhenda, án skriflegs samþykkis Reykjavíkurborgar, réttindi sín og skyldur samkvæmt samkomulagi þessu, í hendur þriðja aðila.

- Framselja greiðslur skv. samkomulagi þessu, án skriflegs samþykkis Reykjavíkurborgar, til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

6. gr.

Upplýsingar, samskipti og eftirlit vegna verkefna.

Merki Reykjavíkurborgar skal vera sýnilegt á kynningarefni er varðar viðburðinn, eftir því sem unnt er. Fyrir lok október ár hvert skal skila Reykjavíkurborg greinargerð um framkvæmd Lýðræðishátíðarinnar, funda fólksins það ár og hvernig framlagi var ráðstafað í samanburði við áætlun. Almannaheill skilar þeim upplýsingum sem kallað er eftir vegna opinberrar upplýsingagjafar. Einnig skal skilað öllum upplýsingum sem kallað er eftir vegna eftirlits með framkvæmd samkomulagsins. Reykjavíkurborg hefur heimild til að gera athuganir og úttektir á öllum eða einstaka þáttum í framkvæmd samkomulagsins eða fela öðrum að gera slíkt.

7. gr.

Vanefndir og meðferð ágreiningsmála.

Almannaheill tilkynnir tafarlaust ef talinn er vafi á að takist að uppfylla skyldur samkvæmt samkomulaginu. Jafnframt skal greint frá úrræðum sem mögulega verði gripið til. Reykjavíkurborg er heimilt að draga úr greiðslum, stöðva greiðslur og endurkrefja um greiðslur séu skyldur ekki uppfylltar samkvæmt samkomulagi þessu.

Samkomulag þetta lýtur íslenskum lögum. Rísi ágreiningur út af samkomulagi þessu, tilurð þess, efni eða öðrum atvikum því tengdu, skulu aðilar leitast við að leysa úr slíkum ágreiningi í sameiningu. Takist aðilum ekki að leysa ágreining skal fara með málið fyrir Héraðsdómi Reykjavíkur.

8. gr.

Gildistími samkomulags.

Samkomulag þetta gildir frá undirritun til 31. desember 2025. Hvor aðili um sig getur óskað eftir því að einstök ákvæði samkomulagsins eða samkomulagið í heild verði tekið til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.

Óski annar hvor aðila eftir að segja samkomulaginu upp skal það gert skriflega með þriggja mánaða fyrirvara.

9. gr.

Undirritun.

Af samkomulagi þessu skulu gerð tvö samhljóða eintök og telst hvert um sig fullgilt frumrit samkomulagsins. Eitt eintak skal vera í vörslu Reykjavíkurborgar og eitt eintak í vörslu Almannaheilla. Samkomulag þetta er undirritað í viðurvist tveggja vitundarvotta er votta um rétta dagsetningu, fjárræði og undirskrift aðila.

Reykjavík, [Dags.]

F.h. Reykjavíkurborgar

F.h. Almannaheilla

Vottar að rétttri undirskrift:

Nafn og kt.

Nafn og kt.

Fylgiskjal I: Verkefnalýsing.

Fylgiskjal II: Fjárhagsáætlun.



almannaheill
samtök þriðja geirans

Mannréttinda, nýsköpunar og lýðræðisráð Reykjavíkurborgar
b.t. Dóru Bjartar Guðjónsdóttur
Ráðhús Reykjavíkur
Tjarnargötu 11
101 Reykjavík

Reykjavík 17. janúar 2022

Erindi: Ósk um viðræður um framlengingu á samningi um Lýðræðishátíðina fund fólksins

Almannaheill óska með þessu bréfi eftir viðræðum við Reykjavíkurborg um framlengingu á samningi sem þessir aðilar gerðu 17. ágúst 2020 um samstarf og stuðning við Lýðræðishátíðina fund fólksins. Sá samningur var til þriggja ára og lýkur að óbreyttu 31. desember 2022. Almannaheill leggur til að samningurinn verði framlengdur með svipuðu sniðu til annarra þriggja ára.

Grundvöllur samstarfs Almannaheilla og Reykjavíkurborgar um þetta verkefni hefur verið áhugi á að efla lýðræðislega umræðu í landinu. Nýsamþykkt Lýðræðisstefna Reykjavíkurborgar, sem leggur áherslu á efla lýðræðislega þátttöku fólks og efna til samtals um mismunandi sjónarmið, undirstrikar þennan sameiginlega áhuga. Lýðræðishátíðin fundur fólksins er að okkar mati dýrmætt tæki til að efla þessa umræðu.

f.h. Almannaheilla, samtaka þriðja geirans

Jónas Guðmundsson formaður

Hjálagt: Samningur Reykjavíkurborgar og Almannaheilla frá 17. ágúst 2020.